

長回亂避寇興醴間夜轉磨屑麥書鬻餅於市而夾袋常挾書不擇時地暇即誦之雖或睨笑弗知也亂平入府庠肄業關中書院爲院長黃子壽所深器開以學問之途以大學衍義授之由此益博極羣書究經史百氏之要探歷代治亂之原尤嗜王文成傳習錄謂本良知以經世其治有本而收功甚速舉光緒乙亥科鄉試一赴禮部不第即絕意仕進退居教授當是時長安柏舉人景偉同邑李編修寅各講理學談經濟負時望得先生恨知晚三人均人豪均以天下士自命既相交志益舒日夕砥礪互相勗勉凡古今治亂國家興敗民生休戚靡不一一深究之尤注意地方利病非特言之必實行之雖忤官府觸時忌弗之顧以陝士空虛與景偉創求友齋以天文地理掌故算術等學課士大吏學憲欽仰之歷聘主涇干味經崇實各書院時外侮日熾先生痛憤鎔中外舊新於一治以此爲學即以此爲教分課按程躬親督訓又以陝士瞽陋由書籍

少愆惠柯遜菴學使奏擴求友齋爲刊書處倣阮儀徵法選高才生司校讐而身爲總校柯又奏先生領書局終身崇實書院立又長之築觀象臺以習天文立時務齋以研時事先生出而授課入而衡文督校勘生讐校書籍味經大門外右爲售書處左爲刊書處刻案繕几數十累百充滿隙地先生一人總董之肅靜勤奮各事厥事蓋當光緒中葉時味經文化之盛不惟本院及秦各書院未有西北各行省百年來所未見也於戲盛已先生旣劬躬教士復懇懇爲鄉人改故習計久遠賑災禦寇紡織之事製蠟之廠靡不殫心力爲之遘疾臥煙霞草堂因悟聲音轉注之奧欲以聲統義合中外文讀法爲一成童蒙識字捷訣十餘卷書成目復明生平言政主鄉官言學重鄉學其法見煙霞遺書而制行堅苦不欺其志雖處困窮一介不苟與人談永不及家私而憂國如焚甲午敗聞繞牀以泣外交或失敗若憂戚之在於己接人一出至誠或負之亦不較

偉軀長身目近視書去目不二寸而數行並下初李編修延教其子岳瑞盡讀其藏書繼館胡氏古月軒書廚充三間樓棟亦盡閱之每讀書即獲新義識解出前儒遠甚其撰著探聖哲精蘊比傳時變甚奇甚確多前人所未發康南海稱爲博大文儒梁新會推爲開學後鎮洵知言哉洵知人哉清末開經濟特科貴州學政趙惟熙薦先生辭不赴繼四川甘肅大吏均請爲大學總教先生私忖邊地漢回之爭關大局安危宜以學化其獷悍而河套肩背京師屏藩關隴經營西北莫先治套治套莫先屯田欲說疆吏試爲之故辭蜀就隴遂決行至堂殫精教授旋病咯血門下勸少休曰吾樂此不疲也至八月十三日竟卒年六十一門下士籌印煙霞草堂文集弟子王典章出資刊煙霞遺書於南方均

行世

文學

漢

班固字孟堅彪之長子七歲能文及長博通典籍明帝朝典校書蘭臺令史著漢書開斷代爲史之例

清

程一敬廩生賈村人家資鉅萬不以財自雄日與諸名流以詩酒相唱和著有碧梧書室詩集刊行於世善書法於古人法帖搜求殆徧得荀氏蘭亭碑於醴泉築精舍以藏之顏曰愛蘭山房

羅策勳字竹方馬莊人以歲貢爲石泉教諭於前人制藝大醇而有小疵者做路潤生明文明法改竄之以訓其徒每讀經史有心得輒爲論說集若干卷名曰斯文在茲又著朱子家訓分詮

李寅字敬恆庇禮村人翰林院編修學識過人有志經世所有著作皆關於國計

民生不徒以文名世劉古愚爲作行畧

進退起伏與分合羣兒戲以意爲軍法坐塾

不屠屠爲記誦及爲文則已如成人年十三補邑弟子員十八食餼是時吾鄉士

子汲汲科名制藝外無所事甚或束書不讀君則研究經史泛濫百家天文地理

農田水利兵法書畫之類靡不究心暇則縱酒狂歌以太白自負其詩詞亦頗類

人途噴噴才君已而江龍門宰吾邑得君詩文則大喜以爲不世才羅致門下君

亦喜龍門抗爽與世俗吏不作也遂事之龍門好士巴陵謝維藩臨流楊炳山是

楊可亭咸遊其門山陰徐兆占孝義陸襄鉞又維藩友也皆喜君與納交君山是

學日進後龍門移治富平君從之半載歸因上書龍門曰人之精神只有此數而

事之曲折無窮必聚精神以爲之始能得其利害之所在以善吾因革而要其成

功今鄙省烽火日逼陝獨寡然必無是理吾師既見及之則請屏去一切不急之

務一意講求吏治使官民一體雖倉猝有事可戰可守此真精神所貫注非口舌

所能爲功法令所能收效也龍門老隱忍中止貴筑黃子壽夏回亂作君奉母居

省垣屢欲糾合一旅以收效也夫人年老隱忍中止貴筑黃子壽夏回亂作君奉母居

之學君爲文率達胸臆不主故常雖業制藝每道及他日不徒以文名世蓋有歎

呼席飲酒市適楊厚菴被議居家君與京師友人探書曰天津財多故之地漕運所經

宜節設防有事得綢繆未雨之效無事收蔡菴不探之威天津財多故之地漕運所經

閑放後楊公閱視長江而保督移駐天津則君早已議及云君軀僅中嘗遇材神

氣峻日稜稜有光食兼人粟絕有力挽巨槩舞如飛火鎗弓矢威命中心嘗遇材神

角射君就引勁弓發六矢中其五觀者驚異謝不及君曰適然耳從容投弓去同

治庚午舉於鄉辛未成進士以病未殿試甲戌補試選庶吉士光緒二年留館授

編修以母老不樂就養京師或謂請假進退可自主君婉謝之招友入為賦朝

廷耶遂請終養歸閉門承歡足不輕出有諷以投謁常道者婉謝之招友入為賦朝

頂之遊登峰造極詩境益邃讀書教子肆力於身心之學丁丑秋歲薦饑餓殍

道君與友人請廣籌賑濟全活甚衆然災侵過重君先已得疾至是日甚遂以戊

寅二月二十五日卒年三十有九君性嚴毅剛直不欺為用破除門戶之見責之而

與市僧村農則又坦然無崖岸論學以心識超語峻一為中人心隱微之弊其功

端近象山陽明而不改程朱規模友人陸王識超語峻一為中人心隱微之弊其功

不入樂永言和聲之體如故也樂必有譜而創詩豈可以無式故朱子論學詩必由李杜學詩而不法李杜是猶為樂不則韶舞而創新聲雖無優孟之請淫哇互進矣書有明一雜代詩不流於淫蕩未必非七子復古之力其持論多創類如此嘗病天文為表曰災異之說雖多附會然可見天人相通而於地理為要宛溪氏善所以多刪言不經者數卷可畢惜僅成日月二表又謂兵事以地理為要宛溪氏善所以多刪言兵事也然詳地之險要而於用險要之法多不詳者乃依孫子九地之說以意變更之分目十餘以宛溪氏為主而備探史文以實之亦未成書君娶張氏子一意變繼劉氏子有一岳瑞庠生再繼蕭氏子一岳藩君當成童時其詩文已成巨集後悉焚山是凡有一作均不存稿今岳瑞搜集僅得古近體詩數十首多應酬作非其至者論曰焜耀當世則陋類相及後人睹其名宇感慨想望猶未為不幸也若吾敬德願望焜耀當世則陋類相及後人睹其名宇感慨想望猶未為不幸也若吾敬見者一無所試違至於此而博於古未知何似然志有為學期有用較然雖有所聞亦不可得悲夫潛心未登高呼笑以遠君固不欲為文人恐遇之數十年文人之或詳書授之岳瑞俾以資於世之雄於文者

劉子煥字文卿北賀村人遠祖彬明嘉靖中官南畿司空大夫子煥己卯領解後為刑部主事所為制藝風華典瞻辟易千人初住關中書院人以其貌不揚易

之及課試屢冠軍遂號爲出山虎云

李景綱字仰山庇禮村人幼嗜讀避回亂常手一編工制藝刻之關中課藝者極多故雖以歲貢終而遊其門者多掇巍科如李岳瑞李繩先李舒馨皆是通羣經尤邃於易有千里負笈從之學易者陝撫馮譽驥以名翰林衡文七省不輕許可人於景綱獨心折之聘教其子姪又精堪輿著有地理芻言

李岳瑞字孟符編修寅子也軀幹小短目近視而天才卓越初編修延劉古愚教岳瑞李氏故富紳多藏書至是盡出以畀師師亦盡授之岳瑞故岳瑞甫童年即博極羣書下筆浩浩如潮海十數歲補弟子員尋舉鄉科成進士授翰林院編修改工部主事曹署多暇益博綜宏覽詩古文辭均成家戊戌變政力贊其事嗣膺滬上各報館請主筆每有撰著悉關內政外交各大計晚歲歸居青門當事以高等顧問聘之大文章多出其手然終不謁趨不請屬蓋胸懷坦坦自

任天倪其視勢位富貴若浮雲過太虛之表漠然一無動于中也頽然而已矣
著國史讀本春冰室野乘若干卷

程學孔字東山程家堡人從史夢軒柏子俊兩院長於味經學邃文工課常最中
光緒乙酉科舉人經藝均進呈以大挑官隴州學正又援例官中書東山寬和
長厚好譽人後進詩文一韻之工一句之善稱之不容口邑中故家東則庇禮
村李氏北則天閣村劉氏西南則兩寺渡馮氏惟西鄉稍遜自東山設教及長
涓陽書院掇鄉科膺民社者肩背相望而文化蒸蒸日上他處矣

魏之杰字英伯魏家村人性孝友嗜讀弱冠入邑庠食廩從劉古愚先生學爲
先生所器重故先生赴甘時命教學於復邠學舍嗣入宏道高等學校肄業學
科優長冠朋儕畢業後任一中校長殫精管教得多士心尋病卒全校生徒德
之爲之置棺槨靈柩旋里哭送至西門外並以誨人不倦區其門擬著新通鑑

已草創未脫稿

馮伯勳字鼎華兩寺渡人幼學工文以明經教授鄉里講解諄諄每至夜分從遊者數百人嗣長邑高小學校文風丕變性孝友行端直宣統初楊令調元擬舉孝廉方正力却之卒後生徒豎德教碑里門外

趙維楨字周卿鈞魚臺人畢業國立高師校入教育研究科學者又二年得有學士學位歸爲三中教員半年卒年二十有九生平以教育爲職志在三中循循善誘能得多士心故靈柩旋里由省哭送至墓者至數百人邑學潮起官無如何維楨往勸之語未終事立解嘗語其兄維翰曰英才不擇地而生滄桑亦有時而變而吾鄉人文終遜於渭北者以學者之少也學者之少以求學必遠出也鄉校之立其可緩乎維翰謹之故盡力而爲不數月間而南競學校與縣立高小校東鄉啓明校鼎足而三雖中經兵燹校具全失而再接再厲志不少衰

校務所在死生以之卒使斷者復續絕者復存紆誦琅琅一如曩時維楨雖不

及見其端則維楨啓之也

案清代邑人著作有李叔方玉山樵隱詩稿張調燮秋水堂遺論王明炳易象張奇逢緩齋詩集王仁民

畢原節記楊仙枝傷寒準繩雷鑑古咸陽備考附識於此俾有考焉

宦蹟

清

谷傳聲字掄秀以大挑一等題補直隸威縣有叔姪訟者攜千金來賄峻却曰爾

以我何如人也且悖入之財能爲子孫福乎及訊則曲爲勸導叔姪皆感泣遂

罷訟丁內艱不能歸太守鑒其廉勸僚友伏之乃得歸後歷靈邑定興各縣所

至必裁陋規望吏議歸依然寒士

李光祖字樸齋鹿禮村人任四川蘆山知縣時適大股匪至急辦團親爲教練百

姓素受其恩皆樂爲用伺隙迎擊斬獲甚衆事平膺卓薦

李舒馨字畹民庇禮村人以進士任山東福山縣光緒辛丑歲大饑出鉅金賑鄉里又以二十四史九通及新書多種捐皮涓陽書院以餉寒峻其任福山也有富豪被控賄丁憂某御史爲關說舒馨正色拒之某御史啣甚及起復語人曰前日子爲政今日我爲政矣誣叅革職福民冤之

謝文華字樸丞呂村人有至性事繼母以孝聞善書邑之屏扁多出其手以拔貢朝考一等官四川民國爲高等審判分廳廳長有富室以爭產訟託人關說願賄五千金力却之曰彼能以此賄官其他費亦必不貲以之歸兄弟訟即息即不能可益之不愈於利歸他人乎後由蜀歸爲省議會秘書長旋爲議員家屢空依然一寒士

王銘几字幼含留印村人父章精算術劉古愚深器之爲甘肅大學總教時以之爲分教銘几由保定軍官學校畢業歸而從軍歷充督辦公署及陸軍第六師

叅謀長東路總指揮廉潔自矢其部下無敢擾民者奉令籍王飛虎家物雖多涓滴歸公一介不私邑之爲軍官者多暴富而銘儿獨以清貧終

邠人傑字俊生南寨人舉人民國五年長警廳西署歷升至警察廳長兼警務處長修石道維治安霧沐雨齷靡辭况瘁後爲岐山知事有循聲而提欸委員催之急人傑以歲歉民貧刑求弗忍憂勞交灼遂病卒岐民痛之

孝義

漢

蘇不韋字公先平陵人父謙初爲郡督郵時魏郡李嵩爲美陽令與中常侍具瑗交通貪暴爲民害前後監司畏其勢援莫敢發問及謙致部案得其贓論輸左校謙累遷至金城太守去郡歸鄉里後私至洛陽嵩爲司隸校尉爲嵩所害

免罷守令非詔徵不得到京師品收謙詔掠死獄中嵩又刑其屍

不韋年十八徵詣公軍會謙見殺載其喪歸

瘞而不葬仰天嘆曰伍子胥何人也乃藏母於武都山中變姓名募劍客刺鬻
不克又潛鑿地旁達鬻寢值鬻在厠止殺其妾及其子留書而去更以鬻父首

祭謙

不韋日夜飛馳徑到魏郡掘鬻父阜冢斷取阜頭以祭父墓

鬻因憤恚死不韋始改葬行喪後不韋竟

以鬻客陷死

武威段頭與鬻素善額為司隸乃追咎不韋前報鬻事使從事張賢就家收執并其一門六十餘人盡誅滅之

唐

薛萬備永安公萬鈞之季弟也有至行居母喪廬墓前太宗詔表異其門後以尙

輦奉御從伐高麗將軍契苾何力中梁萬備單馬馳救何力獲免歷左衛將軍

毛國汭周文王子毛叔鄭之裔也與弟國崇克敦孝友懿宗咸通五年銘宰渚塔

以旌之

明

王汝成廩生有孝行萬歷七年建坊

茹宗伊天性至孝母去世泣跣不欲生以父在乃不復言死後事繼母若生母焉
許汝清父仲同爲名山教諭隨之任父疾嘗湯藥衣不解帶焚香願天乞以身代
父疾愈清竟以憂勞嘔血死名山士紳哀而嘉之贈以詩詞且立墓碑

張希賢增廣生幼知孝讓有食物必先奉親有餘方食居父母喪三年未嘗見齒

且甘貧守義志介行端縣尹扁其門曰清修學士

張廷祚生員善事父母母疾逝祚朝夕哀毀竟死

沈鵬事親盡孝處事唯公循循然有古人風名列旌善亭

王崇今庠生竭力事親名聞遠近事詳邑令趙公碑 余以雍正五年之二月調任咸陽至四月而建忠孝節義

二祠蓋奉旨設者四年矣祠成余集邑紳士明倫堂告以忠孝節義例當公舉閱數月而以節婦舉者二十餘人李生啓運王生必檢王生澤厚持馬莊鎮王孝

子傳示余立石以傳孝子事求記於余按王孝子名崇今咸陽府相里諸生也孝子少孤事母極力奉養母病期年晝夜侍湯藥不懈母卒哀毀終年喪次不

出門不入私室及葬則隨柩廬墓朝夕悲哀嚴土築墳其高三丈寬倍之至今稱王孝子方塚在鎮北門外塚既成始辭墓歸時爲萬曆三十一年七月計距母病

侍疾時凡七年矣當是時王孝子之名聞遠近士大夫多贈詩而推邑令請旌某古
方謂母非繼母慮常事不果行余以為孝庸德也庸德之贈詩者推邑令請旌某古
之大聖賢皆山之安在其變而後奇又安在其奇而後傳也虞舜稱孝周文亦稱
孝不必繼母也閔子稱孝曾子亦稱孝不必繼母也後世若薛包王祥遭遇家變
委曲盡禮孝矣至於王偉元之旦夕墓所詩廢參我何子平之八年哀號常如祖
括亦豈嘗于母多故而史乃稱其孝行之純至有如此耶今孝子篤於天性猶慕
之行誠終身無改一年侍疾一年居喪五年廬墓七載之內不入私室庶幾古聖賢
之於邑乘投贈諸詩泯沒無考即此負土遺蹟亦恐更歷百年而雜亂於荒草叢家
之中不能復辨倘非勒石墓左紀其軼事其何以稱國家敦崇教化之至意而厚
人倫維世風哉自孝子歿至今百有餘載諸生猶能搜羅遺文傳之不朽此
固諸君子之厚而亦可以信天理之常存人心之不死也余故樂得而識之

張興處事循理與人無偽景泰五年凶荒煮粥濟餓施財周貧全活者不可勝紀

後歲轉豐有來償者一不之受邑侯黃公聞而歎曰陰德及人後世其昌乎後

果以子鐸貴勅封徵仕郎

許榮輕財重義嘗商臨鞏獄有杜升等二十人犯虧官糧刑責將斃榮傾心輸布
若干正代償其數俾免重刑後家業益茂孫資官貴人以為天報德門云

張秀理問昇長子同知崇德曾太祖也昇居官清白不爲子孫生產計秀卓然自立凡鄉黨婚葬弗克舉者即資助之書生貧乏者伏以膏油諸所施爲悉中禮度遠近之人靡不感服

蕭登榮涓城人備衛秦藩請平流寇屢歷艱苦王嘉之有云義在豈辭寒夜雪賊存何意故園春其孫弘士復輕財敦義一時名士爲詩歌以美之錄其一不愧人間七尺男千家煙火待分甘朝來廚下無餘粒且向隴頭問耐菴耐菴弘士號也

蕭弘畧好讀書暇則灌園治蔬嘯咏渭上性孝友每誦兄弟同居忍便安之詩以風鄉里

清

蕭光蘭安谷里人事親極孝盜劫父室光蘭奔救之被賊創鬪益力賊遂遁歲飢